

ضوابط الأسماء المنهي عنها | للشيخ الحويني

أبو إسحاق الحويني

الاسم كالعنوان الاسم ده العنوان. عشان كده الرسول عليه الصلاة والسلام قال كما في حديث سمرة ابن جندب رضي الله عنه وهو في

صحيح مسلم قال لا تسمين غلامك نجاحا ولا يسارا - [00:00:01](#)

ولا افلح وفي بعض الروايات نجيح ليه حتى اذا قيل اثم هو قالوا لا يعني ايه الكلام يعني واحد اسمه نجاح انت رايح تسأل عليه في

البيت النجاح موجود ما فيش نجاح يا ابني - [00:00:23](#)

ما فيش يعني نفى النجاح عن البيت يسار موجود يا ابني يسار مش موجود. ما فيش يسار ليه نهى حتى اذا قيل او اذا قال اثم هو

يعني فلان موجود؟ قالوا لا - [00:00:50](#)

فيقع الرد في اذن المستمع وقوعا مستتبشعا لان الرجل الذي قال ما فيش يسار لم يقصد ولم يخطر على باله ان ينفي اليسار عن البيت

ما قصدش كده اذا القضية كلها متعلقة بالمستمع وليس بالمتكلم - [00:01:08](#)

لان المتكلم لا يقصد هذا المعنى ابدا ولا دار بخاطره بس وقعت في اذن المستمع وقوع المستتبشعا. وحش شوف جمال الاسلام

وحلاوة الاسلام وادب الاسلام لما لما لما المسلمون يتأدبون بهذا الادب ما تاخذش اي ملاحظة على حد فيها - [00:01:28](#)

يعني في واحد من آآ الناس الكبار من اهل الارياف فلاح صحيح لكن عنده نظر راح يسأل عن واحد صاحبه في البيت فقال لها فلان

موجود قالت له لأ ما تتفضل - [00:01:49](#)

قلبه انقبض وراح اشتكى الست دي لزوجها اللي هو صاحبه قال له يا اخي خليها تحسن مراتها شوية الو هي قالت ايه ؟ قالت ما

تتفضل. مات اتفضل الراجل سمعها كده - [00:02:10](#)

قام حصل نوع من القبضة كده في صدره ما تتفضل طب هي الست تقصد مات؟ لأ طبعا لا تقصد مات ولا حاجة حي يرزق لكن

الراجل سمعها ازاي انا يعني زمان - [00:02:26](#)

ايام انتخابات آآ مجلس شعب مجلس المدينة الكلام ده في مدينة طوخ في واحد من المرشحين في صوان كده وعمال ايه يخطب

وانا هعمل لكم واخلي لكم واسوي لكم وبتاع - [00:02:42](#)

وبعدين في اخر الابه؟ في اخر الكلام قال العبارة الآتية كانها يعني ايه زي ما قلنا نشيد يعني. او حاجة كده آآ شعار قال طوف لنا وكلنا

لطوخ كلنا لطوخ - [00:02:56](#)

طب انا دي لما سمعتها قلت لطوق اعوز بالله لان اللطوق دي جمع ايه؟ الله! يعني كانه شتم كل الموجودين قدامه. طب هو يقصد

الكلام ده؟ طبعا لا ما يقصدش الكلام - [00:03:11](#)

ابدا فوقعت وقوعا مستتبشعا في اذاننا عشان كده الاسم لابد فيه من اعتبار الحديس ده النبي صلى الله عليه وسلم ايه قال لا تسمين

غلامك لا تسمي لنا غلامك في بعض الروايات ان ده للخدم - [00:03:23](#)

ولكن عند جماعة العلماء ان ده منهى ان يتسمى به الاولاد ايضا لان العرب زمان كانوا يحسنون اسماء غلمانهم اللي هم الخدم يعني

ويختارون لابنائهم اسماء قوية يعني يعني تلاقي مسلا - [00:03:45](#)

الغلام بتاعه اسمه تامر تامر دي علشان آآ بيعمل تمر يعني خلاص اسمه جميل كده خفيف لكن تلاقي مسمي ابنه غضنفر صخر مسلا

دبش فقيل لواحد منهم ازاي اسناء الخدم - [00:04:04](#)

بيسموها بالاسماء الجميلة دي. وابنك تسميه باسم المجعلس ده قال له ايه قال نسمي خدمنا لنا ونسمي ابناؤنا لاعدائنا اقول له قم ياد

يا غضنفر. كلوا انت يا دبش ادخل له - [00:04:26](#)

ها انا الحلقة اللي فاتت قلت لكم القصة تأبى تشرد ثابت ابن جابر الشاعر المعروف من الشعراء الصعاليك اشوف اول ما يطلع لك في الضلمة يقول لك لا ابى اتشر تقوم واقع من طولك. اهو - [00:04:48](#)

كان خد الاسم ده ليه يخوب الناس طب قل له بقول له انا الغلام بتاعي الخدام هسميه غضنفر على مين؟ علي انا لا اسمي تامر اسميه حاجة كده لطيفة ظريفة. عشان هو بيخاطبني وانا بنادي له بيحي لي انا - [00:05:02](#)

لكن ابني اه اسميه الاسامي القوية دي عشان ايه؟ عشان ايه؟ لاعدائنا. لكن العلماء قالوا ده في الاصل انما وضع الخادم ولكن هذا ايضا منسحب على الابناء. يبقى انت لما تيجي تسمي ولد من الاولاد لابد ان تراعي في الاسم شيئين - [00:05:14](#)

لان ساعات كده ايه بعض الناس آآ يسمي اسم آآ يعني تقيل جدا وبعيد جدا لمجرد ان لقي ان معناه حلو في كتاب لأ حلاوة المعنى فقط ليست لا تعتبر وحدها بل لابد من اعتبار اشياء اخرى - [00:05:31](#)

الاسماء علشان احنا نعتبرها بنعتبر حاجتين. الحاجة الاولى ان يكون الاسم له معنى جميل له معنى جميل في ذاته زي مسلا معاذ زي انس مسلا زي مثلا ميمونة مسلا من اليمن البركة معاذ من اعاده الله. انس من الانس. اي حاجات زي كده. يكون اسم له معنى ايه؟

يكون له معنى - [00:05:49](#)

جميل او يكون له سلف نظيف لما يحب يسمي مثلا عايز يسمي فاطمة مين اشهر فاطمة؟ فاطمة بنت رسول الله صلى الله عليه وسلم اه يقوم ايه يبقى الاسم عريق له قيمة. مريم اه مين اشهر مريم - [00:06:20](#)

مريم ابنة عمران اه اشهر مريم اسم عريق ما يروحش بقى يجيب اسماء المياميس ويسمي الولد البنت بها ولا اسماء المجرمين وسم الولد به لأ الاسم كالرأس او الاسم كالعنوان - [00:06:43](#)

عشان كده النبي صلى الله عليه وسلم كان اذا لقي اسما قبيحا كان يغيره كما في صحيح مسلم من حديث ابن عمر قال كان لعمر ابنة تسمى عاصية فسامها النبي صلى الله عليه وسلم جميلة - [00:07:04](#)

وبرضو آآ محمد بن عمرو بن عطاء كما في صحيح مسلم قال ولدت لي ابنة. فاردت ان اسميها برة فقالت له زينب بنت ام سلمة لا تسميها بذلك لان زينب بنت ام سلمة كان اسمها برة - [00:07:18](#)

النبي صلى الله عليه وسلم قال الله اعلم باهل البر منكم لكن سموها زينب وكانت زينب بنت جحش رضي الله عنها اسمها برة تغير اسم برة وسمها زينب. ليه؟ لان كلمة برة فيها تزكية. ولذلك قال النبي صلى الله عليه وسلم فيها الله اعلم باهل البر منكم. يبقى

الواحد - [00:07:36](#)

اذا اراد ان يسمي بقى اسماء يبعد عن الاسماء اللي فيها تزكية خلاص زي اسلام وزي مؤمن وزي الكلام ده يبعد عن التسمية بهذه الاسماء التي تشي ان العبد مؤمن او ان العبد فاضل او الكلام ده والعلة - [00:07:58](#)

كما قالها رسول الله صلى الله عليه واله وسلم - [00:08:13](#)